

ՆԱԽԱԴՊՈՑԱԿԱՆ ՈՒՍՈՒՄՆԱԿԱՆ ՀԱՍՍՏԱՏՈՒԹՅԱՆ  
ՄԱՆԿԱՎԱՐԺԱԿԱՆ ԱՇԽԱՏՈՂՆԵՐԻ ՎԵՐԱՊԱՏՐԱՍՏՈՒՄ

## ՀԵՏԱԶՈՏԱԿԱՆ ԱՇԽԱՏԱՆՔ

**Թեման՝** Համընդհանուր ներառական կրթության կազմակերպման  
առանձնահատկությունները մանկապարտեզում

**Վերապատրաստվող՝** Ջուլիետա Սարգսյան Ռուբենի

Արմավիրի մարզի Ջրարբի համայնքի մանկապարտեզ

**Վերապատրաստող՝** Թագուհի Գասպարյան

# Բովանդակություն

Ներածություն -----	3
ԳԼՈՒԽ 1. Համընդհանուր ձևավորումը և ներառումը-----	4
1.1 Համընդհանուր ներառական կրթության համակարգի ներդրման գործողությունների պլանը և ժամանակացույցը հաստատվելուց հետո -----	9
ԳԼՈՒԽ 2. Փորձարարական հետազոտություն -----	14
Եզրակացություն -----	17
Գրականություն -----	20

## Ներածություն

**Թեմայի արդիականություն:** «Համընդհանուր ձևավորում» հասկացությունն առաջին անգամ օգտագործել է Ռոն Մեյսը՝ նկարագրելու համար բոլորի՝ այդ թվում հաշմանդամություն ունեցող անձանց համար հասանելի շինություններ կառուցելու գաղափարախոսությունը: Հայտնի են նրա հետևյալ խոսքերը՝ «Համընդհանուր ձևավորումը արտադրանքի և միջավայրերի նախագծումն է բոլոր մարդկանց օգտագործման համար, հնարավորինս բացառելով հետագա հարմարեցման կամ փոփոխությունների անհրաժեշտությունը»: Մեյսը անվասայլակով էր տեղաշարժվում և անվերջ խնդրում էր, որ շենքերում ապահովվի ֆիզիկական մատչելիությունը: Ի վերջո, նա առաջարկեց շենքերը նախագծելիս հաշվի առնել մատչելիության հանգամանքը՝ խնայելով ժամանակ, գումար և բարելավելով բոլորի կյանքը: Լայն իմաստով, ճարտարապետական համընդհանուր ձևավորման նպատակն է ապահովել անխտիր բոլոր շինությունների մատչելիությունը անխտիր բոլորի համար: Սակայն համընդհանուր ձևավորման բազմաթիվ օրինակներ կարելի է գտնել ճարտարապետությունից գատ այլ բնագավառներում: Այս մոտեցումն ուղղված է ամբողջ դասարանին և հիմնված է աշակերտների անհատականության, կենսափորձի, սովորելու ոճի, մշակութային ու կրոնական գիտակցության, հաշմանդամության փաստի և լեզվական ընդունակությունների համար դասավանդման արդյունավետ ձևեր գտնելու և աշակերտների առանձնահատկությունների նկատմամբ հարգանքի վրա:

**Նպատակ:** Վերլուծել և ներկայացնել համընդհանուր ներառական կրթության կազմակերպման առանձնահատկությունները մանկապարտեզում:

**Նպատակից բխող խնդիրներ:**

1. Գիտամեթոդական գրականության ուսումնասիրում
2. Գործնական պարապմունքների վերլուծություն
3. Պարապմունքի ներկայացում:
4. Արդյունքների ամփոփում

**Գիտահետազոտական մեթոդներ:** Դիտում, անկետավորում, վերլուծություն:

## **ԳԼՈՒԽ 1. Համընդհանուր ձևավորումը և ներառումը**

Դասարանում համընդհանուր ձևավորման օգտագործումը միտված է ներառական գործընթացի բարելավմանը: Համընդհանուր ձևավորումն ուղղված է սովորողներին՝ որպես «սովորական» ու «առանձնահատուկ» երեխաների տարբերակումը վերացնելուն, ելնելով նրանից, որ յուրաքանչյուր անհատ տարբեր կերպ է սովորում և որ բազմազան մոտեցումների կիրառումը կօգնի բոլոր սովորողներին: Միաժամանակ, համընդհանուր ձևավորումը ավելի խոր իմաստ ունի, քան պարզապես «լավ դասավանդումը»:

Ըստ Էդիբերնի (2010), համընդհանուր ձևավորումը ուսուցիչների կողմից բազմազանության արժևորման փիլիսոփայական դիրքորոշման և, միաժամանակ, անընդմեջ սովորելու և կատարելագործվելու անհրաժեշտության ընդունումն է: Հեշտ չէ ունենալ համընդհանուր ձևավորման սկզբունքներին համապատասխանող դասարան: Սակայն, երբ ուսուցիչները հիմնավորապես ընդունում են դասարաններում տարբեր ունակությունների տեր սովորողների ներկայությունը և դասապրոցները կազմակերպում են այնպես, որպեսզի ներգրավեն բոլոր սովորողներին, ՈԻՀՁ-ն կատարելագործվում է: Գոյություն ունեն դասավանդման ամենատարբեր մոտեցումներ, որոնք ուսուցիչների կողմից կարող են օգտագործվել դասարանում համընդհանուր ձևավորման խթանման համար: Այս մոտեցումներից մի քանիսը նկարագրված են ստորև: Ուսումնական տարվա ընթացքում, իրենց սովորողներին ճանաչելով ու օգտվելով աշակերտներին նկարագրող տեղեկատվական աղբյուրներից, ուսուցիչները կարող են դասավանդումը հարմարեցնել իրենց սովորողների կարիքներին:

Միևնույն ժամանակ համընդհանուր ձևավորման գաղափարական հիմքը համահունչ է Հաշմանդամություն ունեցող անձանց իրավունքների կոնվենցիայի (Միավորված ազգեր, 2006) առավել լայն փիլիսոփայությանը: Կոնվենցիան առաջադրում է հաշմանդամություն ունեցող անձանց օժանդակության ավելի լայն մոտեցում ներառական կրթության միջոցով, որը մանկավարժներից պահանջում է ապահովելու մատչելիություն բոլորի համար: Ըստ կոնվենցիայի 9-րդ հոդվածի՝

Հաշմանդամություն ունեցող անձանց անկախ ապրելու և կյանքի բոլոր բնագավառներում լիակատար մասնակցության հնարավորությունն ընձեռելու նպատակով մասնակից պետությունները ձեռնարկում են համապատասխան միջոցներ, որպեսզի նրանց համար, մյուսների հետ հավասար հիմունքներով, ապահովեն ֆիզիկական միջավայրի, փոխադրամիջոցների, տեղեկատվության և հաղորդակցության (ներառյալ տեղեկատվական ու հաղորդակցական տեխնոլոգիաներն ու համակարգերը), ինչպես նաև այլ պայմանների ու ծառայությունների մատչելիությունը, որոնք հասանելի են և տրամադրվում են հանրությանը և՛ քաղաքներում, և՛ գյուղական վայրերում: Այս միջոցները ներառում են խոչընդոտների և արգելքների բացահայտումը և վերացումը:

Գործնականում, բազմազան միջոցների կիրառմամբ նյութը ներկայացնելը, արտահայտվելու համար բազմաթիվ հնարավորություններ ընձեռելը, և սովորողի համար ներգրավվածության բազմազան միջոցների տրամադրումը կարող է տարբեր դասարաններում տարբեր լինել: Այսպես, դա կարող է նշանակել ընդհանուր առմամբ, բազմազան մոտեցումների կիրառում նյութը ներկայացնելիս, բազմազան հնարավորությունների ընձեռում աշակերտներին՝ սովորածը վերարտադրելիս և դասապրոցեսում ներգրավվելիս: Օրինակ՝ դաստիարակը կարող է ցուցադրել տողատակերով տեսահոլովակ, որպեսզի սովորողները միաժամանակ կարողանան կարդալ տեսահոլովակում ներկայացվող տեղեկատվությանը վերաբերող տեքստը: Մա կարելի է համարել պայմանների բարելավում լսողության խանգարում ունեցող սովորողի համար, սակայն բովանդակությունը հասկանալի դարձնելու առումով՝ ճկուն մոտեցում է բոլոր սովորողների համար:

Ստորև ներկայացված են դաստիարակների կողմից դասասենյակներում ճկունություն հանդես բերելու լրացուցիչ օրինակներ (տե՛ս Աղյուսակ 1):

**Աղյուսակ 1. Համընդհանուր ձևավորման օրինակներ**

Նյութի մատուցման բազմազան միջոցներ	Արտահայտվելու բազմազան միջոցներ	Ներգրավման բազմազան միջոցներ
Փորձառություն Թատրոն Տեսահոլովակ <b>Համատեղ փորձառություն</b> Նկարներ Կոնկրետ ներկայացումներ (օրինակ՝ լեզուներ, խորանարդիկներ, մոդելներ) Սահիկաշար Ցուրացման նախապատրաստում	Թատրոն Արձագանքի քարտեր Արվեստ Բանավոր արտահայտում Շարադրություններ Բանաստեղծություններ, երգեր <b>Հասկացությունների քարտեզագրում<sup>2</sup></b> Նշումների կատարում Սահիկաշար <b>Ցուրացման նախապատրաստում</b> Փոքր խմբով քննարկում <b>Փոխադարձ ուսումնառություն</b> Հանդիպումներ ուսուցչի հետ Ներկայացում դասարանին Ֆրեյերի մոդել <sup>3</sup>	<b>Փորձառությամբ սովորել</b> Ընտրություններ <b>Ինքնագնահատում</b> <b>Փոխադարձ գնահատում</b>

ՀՀ կրթության մասին օրենքում, երեխաների իրավունքների պաշտպանությանը վերաբերող տարբեր համաձայնագրերում և փաստաթղթերում տեղ են գտել կրթության առանձնահատուկ պայմանների կարիք ունեցող երեխաների՝ իրենց մյուս հասակակիցների հետ համատեղ կրթություն ապահովելու կարևորագույն հիմնահարցերը: Այսօրվա քաղաքականությունը խրախուսում է այն միջոցառումները, որոնք կնպաստեն վերացնելու հասարակության տարբեր խմբերի միջև առկա մեկուսացնող սահմանները և ստեղծելու պայմաններ կրթությունն ավելի ժողովրդավար և հանդուրժող դարձնելու համար: Կրթության համակարգում ձեռնարկվել են համապարփակ բարեփոխումներ, որոնք սկիզբ են առել բոլոր ոլորտներում՝ մասնավորապես նախադպրոցական հաստատություններում: Իրականացվում է կրթության առանձնահատուկ պայմանների կարիք ունեցող երեխաների՝ հասակակիցների հետ հանրակրթական հաստատություններում սովորելու գործընթացը, որն ուղղված է նրանց սոցիալականացման ու հասարակական կյանքին ներգրավվածության ապահովմանը: Կարևոր հանգամանք է նաև, որ հոգեբանամանկավարժական միջամտությունը թույլ է տալիս ձևավորել անհրաժեշտ հմտություններ՝ անձի անհատականության և նրա կարողությունների լիարժեք զարգացման համար: Այս իմաստով կարևորվում է այն դրույթը, որի համաձայն կրթության առանձնահատուկ պայմանների կարիք ունեցող

երեխաների սոցիալականացման առաջին փորձն արդյունավետ է սկսել նախադպրոցական տարիքից և նախադպրոցական հաստատություններում: Մեր օրերում հաճախ է հանդիպում «հատուկ կարիքներով երեխա» արտահայտությունը:

Ովքե՞ր են այս երեխաները, ի՞նչ են «հատուկ կարիքները» և նման այլ հարցեր են ծագում այս կապակցությամբ:

Կրթության առանձնահատուկ պայմանների կարիք ունեն այն երեխաները, որոնց զարգացումը շեղվում է այսպես կոչված «միջին մակարդակից»: Դա ժամանակի ընթացքում իր ազդեցությունն է թողնում նրանց ֆիզիկական և հոգեկան առանձնահատկությունների ու բարոյականային որակների ձևավորման վրա: Շեղումները կարող են սկսվել երեխայի զարգացման ցանկացած փուլում, սկսած ամենավաղ՝ էմբրիոնալ շրջանից:

Դրանք կարող են լինել տեսանելի կամ անտեսանելի:

Ընդհանրացնելով ասենք, որ «հատուկ կարիքներով երեխաներ» ձևակերպման տակ այժմ հաճախ դասում են և՛ սակավամիտ, և՛ հաշմանդամ, և՛ բարձր օժտվածությամբ երեխաներին:

Ընդ որում, «հատուկ» բնորոշումը վերաբերում է երեխայի կրթական պայմաններին ու կարիքներին: Այսինքն՝ հատուկ են այս երեխաներին խնամելու, դաստիարակելու և ուսուցանելու պահանջներն ու պայմանները: Տարբեր կարիքներով երեխաներին տրվող համակողմանի օգնության համար ներգրավված են հետևյալ մասնագետները՝

- բժիշկ
- լոգոպեդ
- արատաբան
- հոգեբան
- արտթերապևտ
- բուժական ֆիզկուլտուրայի մասնագետ
- երաժշտաթերապևտ

Մասնագետների այսպիսի ընդգրկումը թույլ է տալիս իրականացնել համակողմանի մոտեցում՝ երեխայի վերականգնողական, դաստիարակչական աշխատանքների և ուսուցման հարցերում: Տարբեր մասնագետների խմբի

գործունեությունը ներառական նախադպրոցական հաստատություններում հանդես է գալիս որպես միասնական համակարգված ներգործություն, որը ձեռք է բերվում թիմի միահամուռ ուժերով: Ներառական մանկապարտեզում տարբեր խմբի երեխաներն ըստ իրենց անհատական առանձնահատկությունների կարող են ապրել տարբեր անհատական ռեժիմի պայմաններում, քանի որ նախկին փորձը ցույց է տվել, որ բոլոր երեխաների՝ օրվա նույնանման ռեժիմի առկայությունն արդյունավետ չէ:





## 1.1 Համընդհանուր ներառական կրթության համակարգի ներդրման գործողությունների պլանը և ժամանակացույցը հաստատվելուց հետո

Համաձայն ժամանակացույցի հանրապետությունում մեկնարկեց անցումը համընդհանուր ներառական կրթության համակարգին: Այն սկսվեց 2016 թվականին Սյունիքի մարզից, որի արդյունքում`

- ձևավորվել (վերակազմակերպվել) են 3 տարածքային մանկավարժահոգեբանական աջակցության կենտրոններ,
- մարզում իրականացվել են վերապատրաստումներ ներառական կրթության թեմայով, • հանրակրթական դպրոցներում ներդրվել է ուսուցչի օգնականի հաստիքը, որոնց թիվը որոշվում է տվյալ դպրոցում սովորողների միջին տարեկան թվի 10 %-ի հաշվարկով,
- կիրառվել է կրթության առանձնահատուկ պայմանների կարիք ունեցող երեխաների համար սահմանված ֆինանսավորման բարձրացված չափաքանակի սանդղակը` ըստ երեխայի կարիքի ծանրության աստիճանի,
- վերակազմակերպված տարածքային մանկավարժահոգեբանական աջակցության կենտրոններից իրականացվել է աջակերտների տեղափոխումը հանրակրթական դպրոց: 2017 թվականի սեպտեմբեր ամսից համընդհանուր ներառական կրթության համակարգը ներդրվել է Լոռու և Տավուշի մարզերում, այդ նպատակով ձևավորվել են Վանաձորի, Ստեփանավանի և Սպիտակի տարածքային մանկավարժահոգեբանական աջակցության կենտրոնները, ինչպես նաև ձևավորվելու է Վանաձորի կենտրոնի մասնաճյուղը` Ալավերդի քաղաքում: Տավուշի մարզում մանկավարժահոգեբանական աջակցության ծառայությունները պատվիրակվել են «Հույսի կամուրջ» ՀԿ-ին` հաշվի առնելով վերջինիս փորձը ներառական կրթության ոլորտում: Համընդհանուր ներառական կրթության ներկայիս քաղաքականությունը և մեխանիզմները շահեկան են թե կրթության նպատակային կազմակերպման, թե` ֆինանսական միջոցների օգտագործման արդյունավետության և թե` մարդու իրավունքների հարգման տեսանկյունից: Մա այն դեպքն է, երբ շահում են երեխան, ընտանիքը, պետությունը և հասարակությունը: Այսպիսով. Կրթության առանձնահատուկ պայմանների կարիք ունեցող երեխան դառնում է իրավահավասար բոլոր երեխաների հետ: Նրա կրթության և հասարակական կյանքին մասնակցությունը իր փոխարեն չեն որոշում, այլ տրվում է հնարավորություն

բացահայտվելու իր բոլոր ունակություններով և դրսևորվելու իր համար հաղթահարելի ձևով: Շեշտը դրվում է երեխայի ուժեղ կողմերը զարգացնելու, իսկ թույլ կողմերը ուժեղացնել կրթության առանձնահատուկ պայմանի կարիքը գնահատելու և միջավայր ապահովելու միջոցով: Այսինքն, երեխան ոչ թե ունի «ֆիզիկական ու մտավոր արատներ», այլ տարբեր պատճառներով ունի դժվարություններ՝ կրթությանը լիարժեք մասնակցելու համար: Դրանք կարող են լինել, ֆիզիկական և սոցիալ-մշակութային միջավայրը, տեխնիկական սարքերը, մասնագետի աշխատանքը, ուսուցման մեթոդը և մեթոդաբանությունը, ուսուցողական նյութերի մատչելիությունը և այլն: Կրթության առանձնահատուկ պայմանի կարիք ունեցող երեխայի ընտանիքը դադարում է խուսափել իր երեխայի խնամքից կամ իր երեխայի հետ հասարակության շփումից, քանի որ նույն հասարակությունը հանդուրժողականությամբ է վերաբերում իր երեխային՝ ընդունելով վերջինիս հավասար լինելու փաստը: Ընտանիքի անդամի հետ տարվող մասնագիտացված աջակցության ծառայությունները, ինչպես նաև երեխայի կրթության առանձնահատուկ պայմանի գնահատման գործընթացին անմիջական մասնակցությունը, մասնագետների խորհրդատվությունը և հասարակական վերաբերմունքը օգնում են ծնողին ավելի օգտակար լինել իր երեխային, հաղթահարել անելանելիության ու ամոթի բարդույթը և օգնել իր երեխային հաղթահարելու անհատական ուսուցման պլանը: Միաժամանակ, հաղթահարվում է մյուս երեխաների ու նրանց ծնողների մոտ հաշմանդամություն ունեցող անձանց նկատմամբ վերաբերմունքը, նրանց իրավահավասարության, վերաբերմունքի և ուսուցման հավասար պայմանների գիտակցման կարծրատիպերի հաղթահարման տեսանկյունից: Պետությունը աստիճանաբար հաղթահարում է սոցիալական պետության գործառույթն ապահովելու խոչնդոտները, նվազում է հասարակության շերտավորումը, և դրանով հնարավոր է լինում իրագործել երկրի ստանձնած միջազգային հիմնական պարտավորությունները, հասնում է բյուջետային միջոցների արդյունավետ ու նպատակային բաշխմանը, քանի որ հատկացումները կատարվում են ավելի մեծ թվով երեխաների կրթությունը կազմակերպելու և ոչ թե նախկինում՝ հատուկ դպրոցների միջոցով, սոցիալական խնդիր լուծելու համար: Երեխաների շրջանում իրավահավասարություն ապահովումը հանգեցնում է ստեղծագործական հնարավորություններով ու ինքնուրույն գործելու պատրաստ մարդու ձևավորմանը: Մարդն ինքն է ընտրում՝ լինել նպաստառու, թե

հարկատու: Հասարակությունը գնում է հոգեբանական առողջացման, նվազում է սոցիալական շերտավորումը, անձի կախյալությունը որոշում կայացնողներից: Մարդն ինքն է ընտրում՝ լինել նպաստառու, թե հարկատու:

Համաձայն «Հանրակրթության մասին» ՀՀ օրենքի, մինչև 2025 թվականը Հայաստանն անցում է կատարում ամբողջական և համընդհանուր ներառական կրթության համակարգի: Սա նշանակում է կրթության համակարգում արմատական 25 փոփոխություններ՝ սկսած մի շարք իրավական և նորմատիվ կարգերից վերջացրած ընկալումների



փոփոխություն: Կա թյուր տպավորություն, թե ներառական կրթությունը նախատեսված է սոսկ ֆիզիկական կամ մտավոր խնդիրներ ունեցող անձանց համար, սակայն համակարգի խորքային ընկալումը փաստում է, որ ներառականությունը շատ ավելի լայն գաղափար է, որի հիմքում ընկած է ոչ թե կոնկրետ երեխայի կամ երեխաների խմբի կրթության իրավունքի ապահովումը, այլ յուրաքանչյուր երեխայի կրթական առանձնահատկությունների վրա հիմնված կրթություն ստանալու հիմնարար իրավունքի ապահովումը: Այսինքն՝ եթե ձևակերպելու լինենք ավելի հակիրճ՝ համընդհանուր ներառականության գլխավոր առաքելությունը մեկն է. ստեղծել այնպիսի պայմաններ և միջավայր,

որ որևէ երեխա կրթությունից դուրս չմնա: Անցում կատարել համընդհանուր ներառականության գաղափարին, նշանակում է հրաժարվել առանձին



դպրոցներ ներառական դարձնելու գաղափարից և ամբողջ համակարգը պատրաստել ներառականության, այսինքն՝ հանրապետության բոլոր դպրոցներում ապահովել կրթության կազմակերպման ներառականության սկզբունքի ներդրումը: Մա շատ կարևոր քայլ է, որովհետև ներառական կրթությունը կրթության առանձին տեսակ չէ: Դա կրթության հասկանիշ է, որը ենթադրում է յուրաքանչյուր երեխայի կարիքին համապատասխան կրթության իրականացում: Որքան ավելի շատ է դպրոցում ստեղծված կրթական միջավայրը նպաստում յուրաքանչյուր երեխայի կրթության կարիքի արձագանքմանը՝ անկախ նրանից, թե այդ կարիքն ինչպիսի առանձնահատկությունների վրա է հիմնված, այնքան տվյալ դպրոցն ավելի ներառական է: Այժմ համակարգը գտնվում է անցումային փուլում, և այս ժամանակահատվածում դեռևս զուգահեռաբար գործելու են ինչպես առանձին ներառական դպրոցները, այնպես էլ հատուկ դպրոցների դեռևս խորհրդային տարիներից ժառանգված համակարգը:



Համընդհանուր ներառականության անցման շրջանակում ներդրվում է երեխայի կրթության կարիքի գնահատման եռաստիճան համակարգ: Առաջին աստիճանի գնահատումը կատարվում է դպրոցում՝

դպրոցի մանկավարժական ներուժի միջոցով՝ ներգրավելով ծնողին և այլ մասնագետների: Երկրորդ աստիճանի գնահատումը կատարվում է տարածքային մանկավարժահոգեբանական ծառայության կողմից, իսկ գնահատման երրորդ աստիճանը իրականացվում է հանրապետական մանկավարժահոգեբանական կենտրոնի կողմից: «Երեխայի կարիքի գնահատման արդյունքներից ելնելով՝ կազմվում է ուսուցման անհատական պլան: Եթե երեխան ճանաչվում է կրթության առանձնահատուկ միջին, ծանր կամ խորը կարիք ունեցող երեխա, և այդ գնահատականը հավաստվում է տարածքային մանկավարժահոգեբանական ծառայության կողմից, ապա դպրոցն այդ երեխաների կրթության կազմակերպման համար ստանում է լրացուցիչ ֆինանսավորում: Այն դեպքերում, երբ առաջանում են վիճելի իրավիճակներ, առաջին երկու

մակարդակներում արված գնահատման արդյունքների հետ կապված, նախատեսված է բողոքարկման մեխանիզմ. հանրապետական մանկավարժահոգեբանական կենտրոնի կողմից կազմակերպվում է գնահատման երրորդ աստիճանը: Ծնողը պարտադիր մասնակցում է երեխայի կարիքի գնահատման և ուսուցման անհատական պլանի կազմման գործընթացներին:

## ԳԼՈՒԽ 2. Փորձարարական հետազոտություն

Օրակարգով սահմանված գործունեության ձևերի հետ մեկտեղ երեխաներն ունեն ազատ ժամանակ՝ զբաղվելու, մեծահասակների հետ շփվելու, ինչը խթանում է երեխայի ինքնուրույնության և ակտիվության զարգացմանը: Այսպիսով, երեխայի ամբողջ ներուժի զարգացմանը նպաստում է նաև այն անձնակազմը, որն աշխատում է կրթության առանձնահատուկ պայմանների կարիքներով երեխաների հետ: Ուստի ավելի ճիշտ կլինի, որ յուրաքանչյուր բնագավառի աշխատող որոշ պատկերացում ձևավորի իր աշխատակիցների գործունեության բովանդակության մասին, ունենա երեխաներին վերաբերող բոլոր խնդիրների ամբողջական պատկերը: Բացի այդ, անհրաժեշտ նախապայման է, որ նախադպրոցական ներառական հաստատություններում ժամանակ առ ժամանակ անցկացվեն միջմասնագիտական փորձի փոխանակման կլոր սեղան և վերականգնողական աշխատանքների ընթացքի մասին միասնական քննարկումներ:

Հայաստանում որդեգրվել է ըստ մարզերի համընդհանուր ներառականության անցնելու քաղաքականությունը: Մարզ առ մարզ ստեղծվում են մանկավարժահոգեբանական աջակցության ծառայություններ, որոնք պետք է աջակցեն դպրոցներին՝ երեխայի կարիքներին համապատասխան կրթական ծառայություններ մատուցելու հարցում:

Կարևոր խնդիր է նաև ծնողների ներգրավվածությունը, նրանց միջամտությունը երեխայի զարգացման և դաստիարակության գործընթացին:

Նախադպրոցական ներառական հաստատություններում մշակված ընդհանուր սկզբունքներն օգնում են նոր ընդունվող երեխաների սոցիալականացմանը, սեփական ուժերի, կարողությունների, հմտությունների ողջ ներուժի բացահայտմանը: Օգնության կարիքի դեպքում նրանք կարող են ստանալ բազմակողմանի միջամտություն:

Ներառական կրթությունը մանկապարտեզում իրականացվում է հետևյալ ուղղություններով.

- երեխաների ներգրավման գործընթաց
- տարածության ներառում
- ներառում՝ ըստ տարիքի
- մասնագետների ներառման գործընթաց

- ծնողների ներառման գործընթաց

Երեխաների ներգրավման գործընթացն սկսվում է նախ և առաջ խմբի ձևավորմամբ կամ տարանջատմամբ:

Այսինքն՝ ընդհանուր խմբի քանակը չպետք է գերազանցի 13-15 երեխան:

Ներառական խումբը պետք է ձևավորվի ըստ տարիքի, զարգացման հապաղումով երեխաների 25%-ի չափով:

Տարածության ներառում/ինտեգրում. սա նշանակում է, որ ազատ օգտագործվում են մանկապարտեզի տարածքը, սպորտային և երաժշտական դահլիճները, բակը, խաղահրապարակը:



Ներառում՝ ըստ տարիքի . խաղերի, ընդհանուր միջոցառումների, խաղաթերապիայի, տոների և այլնի ժամանակ միավորվում են տարբեր տարիքի երեխաներ:

Նշենք այն կարևոր հանգամանքները, որոնց վրա պետք է հենվեն ներառական նախադպրոցական հաստատությունում աշխատող մասնագետները:

Աշխատանքը կազմակերպել հետևյալ սկզբունքով. հատուկ կարիքներով երեխան խմբի լիարժեք անդամ է, ունի միևնույն իրավունքները, ինչ իր մյուս հասակակիցները:

- Հենվել երեխայի ուժեղ կողմերին կարիքների վրա:
- Խմբում ստեղծել հանդուրժողականության մթնոլորտ:
- Համատեղ պարապմունքներն ու խաղերը կազմակերպել դաստիարակի և հատուկ մանկավարժի հետ միասին:
- Ծնողների հետ հատուկ աշխատանք տանել, հետևել երեխաների համար նախատեսված անհատական ծրագրի իրականացմանն ընտանիքում:
- Անհատական պարապմունքներ անցկացնել նուրբ շարժողականության զարգացման, ինքնասպասարկման, սոցիալական հմտությունների զարգացման ուղղությամբ:



- Անընդհատ հետևել մեթոդական նոր ցուցումներին, համապատասխան գրականությանը:
- Հոգ տանել, որ հատուկ կարիքներով երեխաներին անհրաժեշտ բոլոր ծառայություններն իրականացվեն ժամանակին:
- Դայակի օգնությամբ իրականացնել կրթության առանձնահատուկ պայմանների կարիք ունեցող երեխաների խնամքը:
- Օգնել երեխաներին կենցաղային և կուլտուր-հիգիենիկ միջոցառումների իրականացման ընթացքում:

Կրթության առանձնահատուկ պայմանների կարիք ունեցող երեխաների կրթադաստիարակչական աշխատանքների լիարժեք իրականացման համար անհրաժեշտ է ներառական նախադպրոցական հաստատությունների գործունեության մեջ ներգրավել երեխաների ընտանիքներին:





## Եզրակացություն

Այսպիսով, կրթության առանձնահատուկ պայմանների կարիք ունեցող երեխաներին սոցիալական գիտելիքների պաշարներին և փորձին հաղորդակից դարձնելու նպատակով անհրաժեշտ է կիրառել ուսուցման ձևերի և եղանակների հատուկ միջոցներ, շփման հրմտություններ, յուրօրինակ մոտեցումներ: Ուսումնասիրությունները ցույց են տվել, որ ուսուցման առավել հաջող ձևերից է ներառական ուսուցումը:

Փորձը ցույց է տվել, որ նմանատիպ երեխաներն առավելագույնս զարգանում են հասակակիցների միջավայրում, նրանց հետ համատեղ ուսուց ման ընթացքում՝ առանց ընտանիքից կտրվելու:

Գոյություն ունեն կրթության առանձնահատուկ պայմանների կարիք ունեցող երեխաներին հանրակրթական համակարգ ներգրավելու մի քանի ձևեր: Դրանցից են՝

- Նախապատրաստական աշխատանքներ տանելուց հետո, երբ նա հասցնում է բավարար մակարդակով յուրացնել ուսուցման հանրակրթական ծրագիրը, տեղափոխվում է հանրակրթական համակարգ:
- Ներառական ուսուցում, որը ենթադրում է կրթության առանձնահատուկ պայմանների կարիք ունեցող երեխաների մուտքը հանրակրթական հաստատություն՝ համատեղ ուսուցումը շարունակելու սովորական խմբում /կամ դասարանում/ իր հասակակիցների հետ միասին:

Փորձենք ներկայացնել այն կարևոր գործոնները, որոնք անհրաժեշտ են ներառական կրթության մասին գաղափար կազմելու համար:

1. Ներառական կրթությունը ենթադրում է առանձնահատուկ պայմանների կարիք ունեցող և մյուս երեխաների ուսուցումը նույն խմբում /կամ դասարանում/ և, ընդհանրապես, նրանց ակտիվ մասնակցությունն ու ներգրավվածությունը հասարակական կյանքին:

2. Անհրաժեշտ է հատուկ ծառայությունների հուսալի աջակցություն:

Այդ կերպ հատուկ կարիքներով երեխաները հաջողությամբ կիրականացնեն իրենց առջև դրված նպատակները, որոնք հստակեցվել և մշակվել են դաստիարակների, ուսուցիչների և մասնագետների կողմից:

3. Կրթության առանձնահատուկ պայմանների կարիք ունեցող երեխաների զարգացմանն աջակցող ծառայություններն իրականացվում են տարբեր մասնագետների սերտ համագործակցությամբ:

4. Ներառումը /ինտեգրումը/ ենթադրում է նաև հատուկ կարիքներով երեխաների ակտիվ այցելություն հասարակական տարբեր վայրեր /խանութ, զբոսայգի, շուկա և այլն/, նրանց մասնակցությունը տարբեր միջոցառումներին:

Ներառական ուսուցումը հնարավորություն է տալիս լիարժեք կերպով զարգացնել երեխաների անհատական կարողությունները, ապահովել նրանց սոցիալականացումը հասարակական կյանքի բոլոր ոլորտներին և, ի վերջո, օգնել, որ իրենց ուժերի սահմաններում բարձրացնեն սեփական կենսամակարդակը:

Բազմակողմանի ուսումնասիրության են ենթարկվել ներառական ուսուցման մեջ ընդգրկված բնականոն զարգացմամբ երեխաները: Այստեղ առաջին անգամ ապացուցվել է, որ ներառական ուսուցումը ոչ մի վնասակար ազդեցություն չի թողնում այդ երեխաների վրա: Ընդհակառակը, նրանք դառնում են ավելի հանդուրժող, զգայուն՝ դիմացինի կարիքների նկատմամբ, գթասիրտ, միջանձնային հարաբերություններում՝ առավել ճկուն:

Գաղտնիք չէ, որ ինչքան վաղ է սկսվում երեխայի հետ աշխատանքը, այնքան լիարժեքորեն է նա կարողանում օգտագործել իր ներուժը: Իսկ մանկապարտեզն այն կրթօջախն է, ուր երեխան բավարարում է իր սոցիալական պահանջմունքները:

Ներառական նախադպրոցական հաստատությունը նոր տիպի կրթական հաստատություն է, որն իր առջև դնում է յուրաքանչյուր երեխայի կողմից սոցիալական փորձի առավելագույն կուտակման խնդիրներ: Դրանց ձեռք բերումը հետագայում որոշում է շրջապատող աշխարհի այն հնարավոր մակարդակները, որոնց նա կարող է հարմարվել: Եվ ներառական մանկապարտեզում գործող մասնագիտական թիմի շնորհիվ յուրաքանչյուր երեխայի համար կառուցվում է յուրովի երթուղի, որոշակի շղթա, որի ամեն մի օղակում՝ երեխայի վիճակին համապատասխան, ինտեգրատիվ տարածության շրջանակներում, նրա կողմից ձեռք է բերվում անհրաժեշտ սոցիալական փորձ: Ուստի ներառական հաստատություններում հարմարումը հիմնված է յուրաքանչյուր երեխայի դինամիկ և երկարատև ախտորոշման վրա: Իսկ ինտեգրված տարածության ամեն մի հաջորդ օղակն է երեխայի հնարավորությունների հետագա

լայնացման և նրա կրթական մակարդակի բարձրացման աստիճանը: Այստեղ երեխան անմիջապես հայտնվում է զանազան մասնագետների հսկողության տակ:

## Գրականություն

1. Екжанова Е. А. Основы интегрированного обучения, Москва 2008г.
2. Мастюкова Е. М. Лечебная педагогика. Ранний и дошкольный возраст. Советы педагогам и родителям по подготовке к обучению детей с особыми проблемами развития. Москва 1997г.
3. Назарова Н. М. Закономерности развития интеграции, как социального и педагогического феномена, Москва, 1996.
4. [https://docs.yandex.ru/docs/view?tm=1671377173&tld=ru&lang=hy&name=dasagirq\\_nerakan.pdf&text=Համընդհանուր%20ներառական%20կրթության%20կազմակերպման%20առանձնահատկությունները%20մանկապարտեզում&ur](https://docs.yandex.ru/docs/view?tm=1671377173&tld=ru&lang=hy&name=dasagirq_nerakan.pdf&text=Համընդհանուր%20ներառական%20կրթության%20կազմակերպման%20առանձնահատկությունները%20մանկապարտեզում&ur)
5. [https://www.ncsu.edu/ncsu/design/cud/about\\_ud/about\\_ud.htm](https://www.ncsu.edu/ncsu/design/cud/about_ud/about_ud.htm)
6. <https://docs.yandex.ru/docs/view?tm=1671377173&tld=ru&lang=hy&name=Ներառական%20կրթության%20ռազմավարություններ.pdf&text=Համընդհանուր%20ներառական%20կրթության%20կազմակերպման%20առանձնահատկությունները%20մանկապարտեզում>
7. <https://www.arlis.am/DocumentView.aspx?DocID=113152>
8. <https://www.cmu.edu/teaching/assessment/assesslearning/conceptmaps.html>
9. [https://www.ncsu.edu/ncsu/design/cud/about\\_ud/about\\_ud.htm](https://www.ncsu.edu/ncsu/design/cud/about_ud/about_ud.htm)